

Mensahe 9

Ang Misteryo sa Iglesia

Basahong Kasulatan: Bug. 10:7; Rom. 16:25;
Efe. 1:5, 9, 11, 22-23; 3:3-11; 1 Cor. 6:17

I. Gipadayag sa Efeso 3:3-11 nga makasinati ug makapahimulos ta ni Cristo nga misteryo sa iglesia.

II. Ang natagong tuyo sa Dios mao ang misteryo, ug ang pagpadayag ning misteryoha mao ang pinadayag; naghigot ang Biblia sa pinadayag sa misteryo—Rom. 16:25; Efe. 3:3, 5:

- A. Natago sa ubang kaliwatan ang misteryo ni Cristo, ang iglesia, apan gipadayag na sa panahon sa Bag-ong Tugon—v. 5.
- B. Natago kining misteryoha diha sa Dios sa tanang kapanahonan, apan nakakita na niini karon ang mga magtutuo sa Bag-ong Tugon kay nahayagan man sila—v. 9.
- C. Gipadayag na ang misteryo ni Cristo ngadto sa mga apostol ug mga propeta diha sa ilang espiritu pinaagi sa pinadayag—v. 5:
 - 1. Ang nasagol nga espiritu ang palagianan sa pagpadayag sa pinadayag sa Bag-ong Tugon kalabot ni Cristo ug sa iglesia ngadto sa mga apostol ug mga propeta.
 - 2. Masagol ngani ang atong espiritu sa diosnong Espiritu, mahimong galamhan ang atong espiritu nga kapadaygan sa misteryo ni Cristo—1 Cor. 6:17; Efe. 1:17; 3:5.
- D. Kon buot tang makakita sa pinadayag sa natagong misteryo, lig-onon gyod ta nganha sa tawo nato sa sulod, sa gipanganak pag-usab nga espiritu nato, ug pabalayon si Cristo sa atong kasingkasing—vv. 14-17a.
- E. Naghigot si Pablo sa Roma 16:25 ug 26 kalabot sa pinadayag sa misteryo: “Sa pagmantala ni Jesucristo, segun sa pinadayag sa misteryo, nga gihilom sa katuigan sa mga kapanahonan apan karon napadayag na.”

III. Nagtapos sa panahon sa misteryo karon ang ikapitong trumpeta, nga konklusyon sa walay kataposang pamatigayon sa nahikay nga Tulo-usang Dios; busa, niingon ang Bugna 10:7, “Nahuman na ang misteryo sa Dios”:

- A. “Ang pagtak-op sa panan-awon ug sa propeta” (Dan. 9:24c) pagtapos man sa panahon sa misteryo, sa ato pa, paghuman sa misteryo sa Dios (Bug. 10:7; 1 Tim. 3:9).
- B. Gipadayag, gipakita ang tanan sa mga dispensasyon sukad ni Adam hangtod ni Moises ug sukad ni Moises hangtod ni Cristo, ug wala gyoy misteryo.
- C. Ingon sab unya sa dispensasyon sa gingharian sa millennium ug sa

ANG MISTERYO SA IGLESIA

Mensahe 9 (sumpay)

bag-ong langit ug bag-ong yuta—ipadayag ang tanan ug unya wala nay misteryo.

- D. Si Cristo mismo (Col. 2:2), ang iglesia (Efe. 3:4-6), ang gingharian sa mga langit (Mat. 13:11), ang ebanghelyo (Efe. 6:19), ang pagpuyo sa sulod ni Cristo (Col. 1:26-27), ug ang umalabot nga pagkabanhaw ug pagkausab sa dagway sa mga balaan nga maoy kataposan ning dispensasyon sa misteryo (1 Cor. 15:51-52) pulos mga misteryo nga natago sa kapanahonan (Rom. 16:25; Efe. 3:5; Col. 1:26).
- E. Makompleto, mahuman, ug matapos kining tanang misteryoha sa pagtrumpeta sa ikapitong trumpeta.
- F. Sa pagtrumpeta sa ikapitong trumpeta, dili ang paghukom ra sa kapungot sa Dios sa yuta ang mahuman kondili ang misteryo sab sa Dios.
- G. Sa panahon sugod sa pagpakatawo ni Cristo hangtod sa gingharian sa millenium—ang panahon sa iglesia, ang panahon sa grasya—misteryo ang tanan:
 - 1. Usa ka misteryo ang pagpakatawo ni Cristo, nga pagsugod sa panahon sa misteryo—1 Tim. 3:16.
 - 2. Si Cristo ang misteryo sa Dios—Col. 2:2.
 - 3. Ang iglesia mao ang misteryo ni Cristo—Efe. 3:4-6:
 - a. Usa ka misteryo si Cristo, ug ang iglesia, nga Lawas ni Cristo nga magpadayag Niya, mao ang misteryo ni Cristo.
 - b. Si Cristo ug ang iglesia nga usa ka espiritu mao ang dakong misteryo—5:32; 1 Cor. 6:17.
 - c. Sa panahon sa iglesia, ang panahon sa misteryo, gitukod ni Cristo ang iglesia aron mahimong pangasaw-onon Niya—Mat. 16:18; Efe. 4:16; Bug. 19:7-9.
 - 4. Ang gingharian sa mga langit, ang pagpuyo sa sulod ni Cristo, ug ang pagkabanhaw ug pagkausab sa dagway sa mga balaan pulos man mga misteryo—Mat. 13:11; Col. 1:26-27; 1 Cor. 15:51-53.

IV. Ang misteryo sa iglesia mao ang kinasang-ang misteryo sa uniberso:

- A. Ang iglesia mao ang natagong misteryo sa walay kataposang pamati-gayon sa Dios—Efe. 3:9-11:
 - 1. Ang misteryo sa uniberso mao ang Dios, ang misteryo sa Dios mao si Cristo, ug ang misteryo ni Cristo mao ang iglesia—Gen. 1:1; Bug. 4:11; Col. 2:2; Efe. 3:4.
 - 2. Matod pa sa Efeso 3:4, dunay espesyal nga ulohan ang iglesia—*ang misteryo ni Cristo*.
 - 3. Sa kapanahonan sa wala pa ang Bag-ong Tugon, natago sa mga tawo ang misteryo sa iglesia; gipadayag kini ngadto sa mga apostol ug mga magtutuo sa panahon lang sa Bag-ong Tugon—v. 5; Col. 1:26.

Mensahe 9 (sumpay)

4. Natago ang misteryo sa iglesia sugod sa nilabayng eternidad hangtod sa mga panahon sa Daang Tugon, apan sa panahon sa Bag-ong Tugon, gipadayag na kini sa tanang magtutuo diha ni Cristo.
5. Sa Bag-ong Jerusalem nabatongan sa Dios ang walay kataposan ug hingpit nga pagpadayag sa tawong gilalang Niya; kini ang kinasang-ang misteryo sa uniberso—ang misteryo sa iglesia—Efe. 5:32.
6. Kinahanglan gyong malig-on ug puno sa kaalam ug pinadayag ang atong espiritu aron masayod ta sa misteryo sa iglesia—1:17.
7. Dako ug lalom ang misteryo ni Cristo ug ang misteryo sa iglesia.
- B. Ang dakong misteryo—si Cristo ug ang iglesia—mao ang kahulogan sa uniberso ug sa kinabuhi sa tawo—Bug. 4:11; Efe. 5:32:
 1. Ang tuyo sa Dios sa paglalang Niya sa tanang butang, lakip na ang tawo, aron man masagol ang tawo sa Dios para mapalugwa ang iglesia—Zac. 12:1; Efe. 3:9.
 2. Ang tinguha sa kasingkasing sa Dios pagpakabaton man sa misteryo ni Cristo—ang Lawas ni Cristo nga pagtubo ug pagpadayag ni Cristo—1:5, 9, 11, 22-23.
 3. Ang kinabuhi sa Lawas mao ang kinasang-ang katagbawan sa espirituhanong kasinatian nato—5:30.
 4. Ang pamatigayon sa misteryong natago diha sa Dios sa nilabayng kapanahonan mao ang misteryo sa iglesia nga Lawas ni Cristo—3:9-10.
 5. Inadlaw gyod unta natong kinabuhi ang misteryo ni Cristo ug ang misteryo sa iglesia; kon wala kining misteryoha, kinabuhi lang sa tawo ang kinabuhi nato, dili kinabuhi sa Cristohanon—v. 4; 1 Tim. 3:15-16.